

1. परमेश्वर उद्धारकर्ता पठइबु कोक कहल धेर बर्ष बितस्याकल रह तर का परमेश्वर परमेश्वर वहाँक प्रतिज्ञा बिर्साइलरहल ?
- नि बिर्साइलरहल ।
2. आइनावाला उद्धारकर्ताक बारेमा परमेश्वर क्याकरमार्फत सन्देश पठइल रहल ?
- अगमवक्ता ।
3. परमेश्वर अगमवक्ताहुकनक मार्फत अइनावाला उद्धारकर्ताक बारेमा कहाँ कहल रहलिन् बाट ?
- परमेश्वरके किटाब बाइबलमा ।
4. का धेर जस्ट इस्रेलीहुँक्र परमेश्वरके अगमवक्ता हुकनक कहलक बात मन्ल ?
- नि मन्ल ।
5. परमेश्वरके अगमवक्ताहन इस्रेलीहुँक्र का कर्ल ?
- हुँक्र अगमवक्ताहन मुअइल ।
6. परमेश्वर अगमवक्ताहुँक्रनके बात सन्नासे पहिल इस्रेलीहुँक्र क्याकर बात सुन्ल ?
- झूठ अगमवक्ता हुनकन ।

7. झूठ अगमवक्ताहुँक्र हुँक्र परमेश्वरके सत्य बोलतबाती कोक कहल तर हुँक्र का कहटरहल ?
- भुट्टवाक झूठ ।
8. का अपन बनाइलक मूर्तिहन पूजा कर्ना इस्रेलीहुक्र मन्दिरमा जाक आर्धना परमेश्वर ग्रहण कठ ?
- निकठ ।
9. परमेश्वर काजे अपन बनइलक मूर्तिक पूजा कर्ना इस्रेलीहुकनके मन्दिरमा जाक कर्लक आर्धना परमेश्वर ग्रहण नि कठ ?
- काजेकि परमेश्वरहन हुँक्र केवल हुँक्रहिन द्यावर केलहक वहाँक भक्ति करट बाट कहना थाहा रहलिन् ।
- काजेकि परमेश्वरहन हुँक्र हुँक्रहिनके हृदयमा हुइलक मूर्तिहन पूजत बाट कहना थाहा रहलिन् ।
10. हमार हृदयक बारेमा सक्कु बात किहिन थाहा बा ?
- परमेश्वर हन ।
11. हमार हृदयक बारेमा परमेश्वर का कठ ?
- परमेश्वर हमार हृदय पापलेक भरल बा कहठ ।
12. हमार हृदयक बारेमा सक्कु बात किहिन थाहा बा ?
- परमेश्वर हन ।
13. हमार हृदयक बारेमा परमेश्वर का कठ ?
- परमेश्वर हमार हृदय पापलेक भरल बा कहठ ।

14. यद्यपि वहाँ धेरजस्ट इस्रेलीहुँक्र मूर्तिक पूजा करट रहल हुँक्रहिनकेमध्ये केहो जे परमेश्वर केहलक आर्धना कर्ना हुँक्र फे रहल ?
- रहल ।
15. जे परमेश्वर केहलक आर्धना करत रहल ऊ इस्रेलीहुँक्र क्याकर प्रतीक्षा करट रहल ।
- हुँक्र परमेश्वर के पठइना उद्धारकर्ताक प्रतीक्षा करठ रहल ।
 - परमेश्वर धीर बाट ।
 - परमेश्वर मनइहुँक्र पापके डगर छोड्क परमेश्वरक डगरमा आइ कोक र्वाकलबाट ।
 - परमेश्वर नूहके समयमा मनइहुँक्र पापके डगर छोड्क परमेश्वरके डगरमा आइही कोक १२० वर्ष प्रतीक्षा करल रहल ।
 - परमेश्वर इस्रेली हुकनफे पापके डगर छोड्क परमेश्वरके डगरमा आइही कोक २०० वर्षसे धेर प्रतीक्षा करल रहल ।
 - तर इस्रेलीहुँक्र पापके डगरसे नि घुम्ल ।

- इस्रेलीहुँक्र परमेश्वर हुकनक पापके बारेमा बिस्राजिन कहना विचार कर्ल ।
1. का परमेश्वर हुकनक पापक बिस्राइल रहल त ?
 - नि रहल ।
 - इस्रेलीहुँक्र परमेश्वर हुकनक पापके सजाय नि दिही कहना ठानल रहल ।
 2. का परमेश्वर सक्कु पापके दण्ड देहलबाट ?
 - देहठ ।
 - नूहके समयमा मनइहुँक्रनके पापक दण्ड देहलजस्ट परमेश्वर इस्रेलीहुकनके दण्ड देहल ।
 3. परमेश्वर इस्रेलीहुकनक १० कुलहन कसिक सजाय देहल रहल ?
 - परमेश्वर अस्सुरियनहन इस्रेलीहुकनक १० कुलके उपर उपनिवेश बनइना लगाइलरहल व हुँक्हरिन इस्रेलीहन दास बनइल ।

२ राजा १७:५-८ पढी

अस्सुरके राजा इस्रेलके धेर ठाउँमा आक्रमण कर्ल । दोसपाछ हुँक्र सामरिया आइल । ऊ सामरियाक विरोधमा तीन वर्ष युद्ध कर्ल । अस्सुरके राजा इस्रेलके राजा होशेक नवौं वर्षक अवधिमा सामरियाहन कब्जामा लेहल ।

अस्सुरके राजा धेर इस्रेलीहुकनलाग पक्रल व बन्दीक रूपमा अस्सर लैगिल । ऊ हुकहिन हलहमा गोदान खोल्वाक दिक्वामा हाबोर व माहीहुकनक शहरहुकनमा छोडदेहल । असिन घटनाहुक हुइल काजेकि इस्रेलीहुक परमप्रभु हुक परमेश्वरके विरुद्धमा पाप काम करल रहल । जे हुकहिन मिश्रमासे बाहिर निकारक आनल । परमप्रभु हुकहिन मिश्रक राजा फारोक कब्जामासे बचाइल रहल । तर इस्रेलीहुक अउर भगवानके पूजा कर लगल । हुक यी बात कर लगल जे अउर मनइहुक कटठ व परमप्रभु ऊ मनइहुकनक लाग भूमि छोडना बाध्य करइल जब इस्रेलीहुक आइल । इस्रेलीहुकनक राजा फे हुकहिन गलत काम कर लगइलिन् ।

- अस्सुरियनहुक इस्रेलके १० कुलके उपर चढाई कर्ल व हुकन देशहन उपनिवेश बनाके धेर इस्रेलीहुकन अपन देशमा दास बनाक लेक गइल ।
- अस्सुरियनहुक अउर देशक मनइहुकन इस्रेलमा बसोबास कर लगल व हुकहिन इस्रेलीके सँग रहल ।
- अस्सुरियनहुक अउर देशथेसे इस्रेलसमा बसोबास कर अनलक मनइहुकहिन परमश्वरमा विश्वास नि करही तर हुक अपन बनइलक मूर्तिमा विश्वास करठ ।

- ऊ इस्रेलमा बसोबास कर अनलक मनइहुँकर इस्रेलीहुकनक सँग भ्वास कर्ल व नयाँ पुस्ताक सुरुवात हुइलिन् ।
 - ऊ नयाँ मनइनके नाउँ सामरियन रह ।
 - ऊ सामरीहुँकर परमेश्वरके पूजा अर्धना हुकरहिनके अपन तरकिले कर्ल तर परमेश्वरके तरिकाले नि हो ।
4. इस्रेलके १० कुलहन सजाय देकसेकपाछ परमेश्वर यहुदाके दुइ कुल हन सकिक सजाय देहल ?
- परमेश्वर बेबिलोनी हुकन यहुदाके २ कुलके उपर चढाइ कर पठाइल रहल व हुकरहिन हुकरहन लाग दास बनाइल ।

२ राजा २५:१-७ पढी

यहिकेकारण नबुकदनेस्सर बाबेलके राजा व वाकर सक्कु सेना हुँकर जेरुशलेमके विरुद्धमा लडाइँकर आइल । यी घटना सदकियाह राजाक नवौं वर्षक राज्यकालके दशौं महिनाक दशौं दिनमा हुइल । नबुकदनेसरके सेनाहुँकर शहरके पर्खालके आँजरपाँजर धेर घेरामचान बनइल रहल । ऊ शहरके चारोओहर माटिक भित्त बनइल । नबुकदनेसर हुँकर सदकियाद यहुदाके राजाक ११ वर्ष निहुइन्जेलसम् यरुसलेमशके चारोओहर बैठल । शहरमा अनिकाल विकराल

हुइट गइल । चौथो महिनाक नवों दिनमा साधारण
मनइहुकनक लाग खद्यान्न नि रहलिन ।

नबुकदनेसरके सेनाहुँक्र अन्तिममा शहरके पर्खाल भत्कइल
। ऊ रात राजा सदकियाह व हुँकार सक्कु सेनाहुँक्र भगल ।
हुँक्र चुप्पसे गोप्य द्वार प्रयोग कर्ल जुन दुइ पर्खाल होक
गइलरहल । यी राजाक बग्या होक गइल रह । शत्रु
सेनाहुँक्र सरहके आँजरपाँजर रहल तर सिदकिया व हुँकार
मनइहुँक्र मरुभूमिक डगर होक भगल । बाबेली सेनाहुँक्र
राजा सिदकियाहन पछ्याइल अनि यरिहो छेउ उहिन पकरल
। सदकियाके सक्कु सेनाहुँक्र हुँकार छोडक भगल ।

बाबेलीहुँक्र राजा सिदकियाहहन रिब्लामा बाबेलके राजाकहाँ
लैगिल । बाबेलीहुँक्र सिदकियाहहन सजाय देहना निश्चित
कर्ल । हुँक्र सिदकियाहके छावाहन हुँक्रनके सामु मुआइल ।
तब हुँक्र सिदकियाहके आँखी निकार्ल हुँक्र हुकहिन
साइगलालेक बाँधक अनि बाबेल लैगिल ।

- बेबिलोनीहुँक्र यहुदाके दुइ कुल के उपर चढाइ कर्क
उपनवेश बनइल व हुँक्रहिनके मध्ये धेरजनाहन अपन
देशमा दास बनाक लेक गइल ।
- बेबिलोनिहुँक्र जेरुसलेम शहरहन ध्वस्त फे बनादेहल ।

२ राजा २५:९-१२ र २१ पढी

नबुजरदान परमप्रभुके मन्दिर राजाके दरबार व यरुशलेमके सक्कु घरहुँक्र जरादेहल । हुँक्र मुख्य मनइहुँक्रनके घरफे जरादेहल । तब नबुजरदानकेसँग हुइलक बाबेली सेनाहुँक्र यरुशलेमके आँजरपाँजरके पर्खाल ढलादेहल रहल । नबुजरदान शहरमा छूटलक सक्कु मनइहुँक्र पक्रल । नबुजरदान बाबेलके राजासमक्ष आत्मसमर्पण कर्लक सक्कु मनइहुँकन बन्दीक रूपमा लैगिल । नबुजरदान साधारण मनइहुँक्रमा धेर गरीबहन केहलक वहाँ बैठ देहल । ऊ हुँक्रहिनलाग बैठ देहल ज्याकर कारण हुँक्र अङ्गुर व अन्य बालीक हेरचाह कर सेकहीं । असिक यहुदाके मनैहुँक्र अपन देशमासे बन्दीक रूपमा रग्दलिन् ।

5. बेबीलोनीहुँक्र यरुसलेम शहर कसिक ध्वस्त बनइल ?

- हुँक्र मन्दिरमा आगी लगादेहल ।
- हुँक्र सक्कु जेरुसलेमशहरमा आगी लगादेहल ।
- हुँक्र शहरहन घेरलक पर्खाल भत्कादेहल ।
- परमेश्वर इस्रेलीहुँक्रनके १० कुल व यहुदाके दुइकुल हन सजाय देहल काजेकि हुँक्र पापके डगरसे नि घुम्ल ।

- धेर वर्षपाछ यहुदाके मनइहुँक्र जे बाबेलमा बैठठ रहल हुँक्र परमेश्वरहन पुकार कर्ल ।
 - हुँक्र परमेश्वरके सामने रोइल वहाँक सामु हुकनक पाप स्विकार कर्ल व हुकनक पापक क्षमा कर्देऊ कोक बिन्दी कर्ल ।
 - काजेकि परमेश्वर करुनालेक भरल बाट वहमारसे परमेश्वर हुक्रहिनके मध्ये धेरजना हन जेरुसलेम घुमजइना अनुमति देहल रहल ।
6. जेरुसलेम घूमक पाछ यहुदाके मनइहुँक्र का कर्ल ?
- हुँक्र मन्दिर फेर बनइल ।
 - हुँक्र जेरुशलेम शहरहन फेर बनइल ।
 - हुँक्र शहरहन घ्यारल पर्खालहन फेर बनइल ।
 - यहुदाके मनइहुँक्र जे जेरुसलेम घूमक आइल हुँक्रहिन नयाँ नाउँले बोलाइ लगल ।
7. जे जेरुसलेम घूमक आइल रलह हुकन यहुदाक मनइहुकनक नयाँ नाउँ का रहलिन् ?
- यहूदी ।
 - यद्यपि यहूदीहुँक्र परमेश्वरके आराधना करठ तर हुँक्रहिन अपन बनाइलक मूर्तिक पूजा फे कर्ति रहल ।
 - वहमारसे परमेश्वर यहूदीहुकनक उपर चढाइ करल लाग दुइथरी मनइया पठाइल रहल ।

8. परमेश्वर यहूदी हुकनक उपर शासन कर पठाइल रहल दुइथरी मनइहुँक के रहल ?

- ग्रीक व रोमनहुँक ।
- पहिल यहूदीहुँकनके उपर शासन कर्ना परमेश्वर ग्रीक हुकन पठाइल रहल ।
- ग्रीक हुँक यहूदीहुकन जितल व हुकनक भूमि कब्जा कर्ल ।
- ग्रीकहुँक यहूदीहुकनहिनहन हुकनहिनके भाषा फे सिकइल ।
- ग्रीकहुँकके पाछ परमेश्वर रोमीहन यहूदीहुकनक उपर शासनकर पठाइल ।
- रोमीहुँक यहूदीहुकन जितल व हुकनक भूमिहन कब्जा कर्ल ।
- रोमनहन यहूदीहुँक कर तिर पर्ना हुइलिन् ।
- रोमनहुँक धेर यहूदीहन क्रूसमा किल ठोकक मुआइल फे ।
- रोमन सम्राटके नाउँ सिजर रह ।
- सिजर रोममा बैठ ।

9. रोमनहुँक क्याकर पूजा करठ ?

- रोमनहुँक धेर मुर्तिक पूजा करठ ।
- रोमनहुँक हुँकनके सम्राट सिजरके फे पूजा करठ ।

- ऊ समयमा जेरुशलेममा तीनठो समुदायके यहूदी अगुवाहूँक रहल ।
- हूँकके नाउँ शास्त्री फरिसी व सदुकी रह ।
- यहूदीक कुछु अगुवाहूँकनके नाउँ शास्त्री रह ।

10. शास्त्रीहूँक के रह ?

- परमेश्वरके वचन लेख्ना जे यहूदीहूँक रहल हूँकके नाउँ शास्त्री रह ।
- धेर समय पहिल हमारसँग अब्ब हुइलजस्ट किटाबहूँक नि रहट ।
- जब मनइहूँक कुछु थोक लेख्ना मन हुइटिन् हूँक एकठो लम्मा कागजके टुकामा लेख्ठ जे दोनो पाँजर बिटार मिलठ ।
- मोसा परमेश्वरके वचन एकठो लम्मा कागजा लिखल रहल जिहिन दुनु पाँजरसे पट्याइना वा बिटार मिल्ठा ।
- काजेकि धेर से धेर मनइहूँक परमेश्वरके वचन पढ्क चाहठ वहमारसे परमेश्वरके वचन कागजके नयाँ टुकामा लेख्ना अनिवार्य रह ।
- दिनभर नै नयाँ कागजमा परमेश्वरके वचन लेख्ना शास्त्रीहूँक पुरान कागजमा रहलक वहाँक वचन हुबहु उतार कर्ठ ।

- काजेकि शास्त्री हुँकर जहियाफे परमेश्वरके वचन सारठ वहमारसे हुँकर घमण्डी रहल ।
- काजेकि शास्त्री हुँकर जहियाफे परमेश्वरके वचन सारठ वहमारसे हुँकर लग्ठिन कि हुँकरहिन परमेश्वरके सक्कु वचन थाहा बा ।

11. परमेश्वरके वचन एकठो कागजमासे अउर कागजमा सारबेर वहाँक वचन बुझ सेक्जाइ ट ?

- नि सेक्जाइ ।
- काजेकि शास्त्रीहुँकर जहियाफे परमेश्वरके वचन सारठ वहमारससे हुँकर ठन्ठ कि हुँकर पापरहित बाट ।

12. परमेश्वरके वचन एकठो कागजमासे अउर कागजमा उतार्तिमा पापरहित बनल बाट ?

- नि बनही ।
- धेरजस्ट सास्त्री हुँकर परमेश्वरमा विश्वास नि करठ ।
- यहुदीहुकनक अउर कुछु अगुवाके नाउँ फरिसी रह ।

13. फरिसीहुँकर के रह ?

- फरिसीहुँकर यहुदीहुकनक अगुवा रहल जे परमेश्वरके वचन अउर जइनहन सिकाइठ ।

- फरिसीहूँक्र यहूदीहुकनक लाग परमेश्वरके व्यवस्था फे सखाइठ ।
- थप फरिसीहूँक्र अपन नियम फे बनाइल रहल जे हूँक्र यहूदी हुकन सिखाइठ ।
- फरिसीहन हुकन परमेश्वरके सक्कु व्यवस्था पालन करही कहना विश्वास रहलिन् ।

14. का केहो परमेश्वरके सक्कु व्यवस्था पालना कर सेकही ?

- नि सकेही ।
- काजेकि फरिसीहूँक्र परमेश्वरके वचन सद्ध अउर जाइनहन सिखाइठ वहामारसे हूँक्र धेर घमण्डी रहल ।
- काजेकि फरिसीहूँक्र परमेश्वरके वचन सद्ध सिखाइठ वहामारसे हूँक्र ठनठ कि हूँक्रहिन लाग सक्कु थाहा बा ।

15. का परमेश्वरके वचन अउर जाइनहन सखाइठीमा सिखाइना मनइहुकन सक्कु थाहा बाटिन त ?

- नि रहिन् ।
- काजेकि फरिसीहूँक्र सद्ध परमेश्वरके वचन अउर जाइनहन सखाइठ वहामारसे हूँक्र ठन्ठकि हूँक्र पापरहित बाट ।

16. का परमेश्वरके वचन अउर जाइनहन सखइटीमा सिखइना मनइ पापरहित हुइल बाट ट ?
- नि रठ ।
 - धेरजसिस्न फरिसीहुँक्र परमेश्वरमा विश्वास नि करठ ।
 - यहुदीक अउर केहु अगुवाहुँक्रने नाउँ सदुकी रह ।
17. सदुकी हुँक्र के रह ?
- सदुकीहुँक्र यहुदीहुँक्रनके अगुवा रहल जे धनी रहल व मन्दिरके हेरचाह करठ ।
 - काजेकि सदुकीहुँक्र धनी रह व मन्दिरके हेरचाह कठ वहमारसे हुँक्र घमण्डी रहल ।
 - काजेकि सदुकीहुँक्रनके सँग धेर पैसा रहलिन् वहमारसे हुँक्र अपनहन पापरिहत ठन्ठ ।
18. का अपनसँग धेर पैसा रहलसे ऊ टुहिन पापरहित बनइठ ?
- नि बनाइठ ।
 - धेरजसिस्न सदुकी हुँक्र परमेश्वरहन विश्वास नि करठ ।
 - ऊ समयमा यहुदीहुँक्र सभाघर नाउँ कर्लक भवन बनाइल रहल ।

19. सभाघर हुँक्र का रहल ?

- सभाघरहुँक्र ऊ ठाउँ रह जहाँ यहूदीहुँक्र जम्मा होक मोसा देहल शिक्षाके उपर छलफल करठ ।
- यहूदीहुँक्र सभाघर हुकनक प्रत्येक शहरमा बनाइल रहल ।
- हप्ताके अन्तिम दिनमा यहूदीहुँक्र सभाघरमा जाइठ व मोसाक शिक्षाक बारेमा सुन्ठ ।
- मनइहुँक्र धरचो मोसाक शिक्षक बारेमा व्यख्या करठ ।
- तर मनइहुँक्र परमेश्वरहन विश्वास नि कर ओहरसे हुँक्रहिन मोसाबारेमा देहलक शिक्षाक बारमे गलत व्याख्या हुइटिन् ।
- ऊ समयमा धर यहूदीहुँक्र परमेश्वरमा नि विश्वास करठ ।

20. ऊ समयमा का वहाँ कुछु यहूदीहुँक्र रह जे परमेश्वरमा विश्वास करठ ?

- रहल ।
- वहाँ कुछु दान्चे यहूदी हुँक्र रहल जे परमेश्वरहन विश्वास करठ ।
- ऊ यहूदीहुँक्र परमेश्वर पठइनावाला उद्धारकर्ताके प्रतीक्षा करठ रहल ।